

Stefanu PERGOLA

E mo filicaghje

E mo filicaghje fitte sò ind'u mare,
Ma i mo ricordi losci sò in paese.

A sò da duve m'anu fattu schizzà
Eiu, a talla inalpellata nant'à a zenna.
A sò chì sò cresciuta per sti monti,
Ma sò stata suminata à l'orlu di u mare.

Ùn hè ch'è à rombu à qualchì ventera balanina
Chì sò stata spulata ind'e muntagne venachese.
Quassù mi sò stesa à colpi d'acquate nebbiacose
Duvie e spie assulunate anu bazzicatu e mo ore losce.

A sò da duve vengu, dimorgu è appartengu oramai !
Sò di mare è muntagna, sò di Venacu è di l'Isula !
Sò piaghjincu è muntagnolu, sò di tè è di mè
O Corsica, terra duve sò furtunatu di campà !

novembre di u 2004

Ricacciato da PERGOLA Stefanu, *Or Provu*, Petricaghju d'Orezza, Cismote è Pumonti, 2006, p. 86.